




内閣文庫	
番號	漢 9423
冊數	40 ( 1 )
函號	299 . 11

299-11



讀書記原序



西山先生讀書記惟甲乙丁為

淺草文庫

成書甲丁二記近年三山學官  
已刊行乙記上則大學衍義是  
也其下卷未及繕寫而先生沒  
藁藏於家學者罕見之漢來建

588-11

安請於先生之嗣子仁夫右司  
傳鈔以來手自校定釐爲二十  
二卷將欲刊之倉臺適福之郡  
文學吳塵編蠹簡从蟄屋壁乃  
今出而流布使夫有志於尊主  
庇民者讀是書蚤正而素講一

日當大任据千載而施四事真  
儒之效庶幾復見於天下是則  
先生佐王之學與天地相終始  
豈非其平日至大至公之心也  
哉綱目訖於五季而藁本僅至  
李文饒止今不敢輒補之又元

讀書記

藁間有附注別說者乃漢一時  
所見先生未及有所去取今皆  
削之觀於初藁者其無所疑云  
崇  
開慶改元十月初吉門人番陽  
湯漢謹書

讀書記綱目

性命者義理之源故以為編之首性之發  
為情而心則統乎性情者也故性之次曰  
心曰情此三者一編之綱領也其目則曰  
仁義禮智信者天命之性也父子君臣夫  
婦長幼朋友者率性之道也故五常之次  
五典繼之人所共由之謂道得之於己之  
謂德其實非有二也故五典之次道德繼  
之曰中曰一曰極曰誠胥是道也而異其

讀書記

綱目

名故以次於道德之後士之求道入德將何所自始亦曰學而已矣敬者學之本根故列於學之首其泛言學次之曰師道曰教法又次之曰小學曰大學又次之以聖賢為師而辨君子小人之所以分與吾道異端之所以異皆學之事故以次於大學之後陰陽造化之理其畧已見前性命篇其未備者復列於此以為編之終焉

門人番陽湯漢再識

西山先生真文忠公讀書記目錄

第一卷

天命之性

第二卷

氣質之性

性命

命

性情

心性

性情心

第三卷

心

第四卷

志

志氣

氣

意

思

念慮

情

第五卷

治情

元亨利貞

仁義禮智信

第六卷

仁

第七卷

仁

第八卷

義

於道德之後士之求道入德前  
 亦曰學而已矣敬者學之本根  
 言其以言學以之曰師道也  
 曰小學曰大學又次之曰聖  
 君子小人之所以分與否道  
 以與皆學之事故以次於大學  
 其念慮  
 其列於此以為編之終焉  
 西山夫情真文忠公紫雲隱居  
 陽湯漢再識

義利

禮

智

信

第九卷上

仁義

仁禮

仁智

仁孝

智仁禮

勇

第十卷

禮義

禮樂

智禮

智聖

禮義信

信義禮

德禮

忠信

善信

順信

第十一卷

父子

第十二卷

君臣

第十三卷

夫婦

第十四卷

長幼

朋友

第十五卷

道

德

德行

德業

第十六卷

才德

道德

中



第十七卷

一

極

誠

第十八卷

敬上

第十九卷

敬下

第二十卷

學

第二十一卷

師道

教法

小學大學

小學

第二十二卷

大學

第二十三卷

易要指

書要指

詩要指

第二十四卷

禮要指

春秋要指

語孟要指

詩禮樂

六經之教

六經之指

第二十五卷

讀書之序

讀書之法

廣大學一

廣大學二

廣大學三

第二十六卷

廣大學四

第二十七卷

廣大學五

廣大學六

第二十八卷

堯舜禹湯文武傳授

孔子顏曾傳授

第二十九卷

孔門諸子之學

第三十卷

子思孟子傳授

荀楊董文中子之學

韓子之學

周子二程子傳授

第三十一卷

邵子張子之學

程張門人之學

朱子傳授

張氏呂氏之學

第三十二卷

聖賢氣象

君子善人有恒之分

君子小人之分

第三十三卷

處貧賤

處富貴

文武侍從

處患難

處死生

安義命

審輕重

第三十四卷

進退

仕隱

辭受

第三十五卷

西山先生

吾道異端之辨

第三十六卷

吾道異端之辨

第三十七卷

陰陽

天地之形體

第三十八卷

天地之道

天地之心

乾坤

五行

第三十九卷

日月星辰

雷霆風雨之屬

第四十卷

鬼神

卷之六

卷之六

卷之六

西山先生真文忠公讀書記目錄終

西山先生真文忠公讀書記卷之一

天命之性

書湯誥曰惟皇上帝降衷于下民若有恒性克綏厥猷

惟后

此成湯誥萬邦之詞○孔氏曰皇大也衷善也順人

有常之性能安立其道則惟在於君唐孔氏曰天生

蒸民與之五常之性使有仁義禮智信是天降善於

民也○程子曰以形體謂之天以主宰謂之帝○朱

子曰自天而言謂之降衷自人受此衷而言則謂之

性其要在降字上猷即道道者性之發用處又曰衷

字只是無過不及之中是恰好底道理天生人物各有一副當恰好底道理降與爾與程子所謂天然自有之中劉子所謂民受天地之中相似昔人云喪善也却未親切○林氏曰天能降衷于民不能使民保其常性而勿失故爲之君而付之以教命之任師曠曰天生民而立之君使司牧之勿使失性者謂勿使失其所降之衷也民既有降衷之性至於循其固有之性以安其所謂道者是乃君之事故曰云云湯欲言桀之暴虐夫民以亡天下則以此言爲先蓋推本西上天所爲立君又民之意與仲虺之誥惟天生民有

欲無主乃亂之言相爲終始○蔡氏曰天之降命而具仁義禮智信之理無所偏倚所謂衷也人之稟命而得仁義禮智信之理與心俱生所謂性也循其理之自然而有仁義禮智信之行所謂道也以降衷而言言則無有偏倚順其自然固有常性矣以稟受而言則不無清濁純雜之異故必待君師之作而後能使之安於其道故曰克綏厥猷惟后夫天生民有欲以情言也上帝降衷下民以性言也仲虺卽情以言人之欲成湯原性以明人之善蓋互相發云○愚按六經言性始見於此○又伊川曰茲乃不義習與性成

是又兼習而言與湯言降衷之性亦互相發也○聖賢之言衷曰降衷命曰降命才曰降才深味降之一言真若天之與人交相付受明命赫然不離心目之間也可不敬哉○蔡氏說若有恆性與諸說異恐未安○安於其道謂父安於慈子安於孝之類詩蒸民之首章曰天生蒸民有物有則民之秉彜好是懿德

此尹吉甫美宣王之詩○朱子曰天生衆民有是物必有是則五官百骸九竅五藏而達於父子君臣夫婦長幼無非物也而莫不有法焉如視之明聽之聰

貌之恭言之順君臣有義父子有親之類是也是乃民所執之常性故於其情無不好此美德者昔孔子讀詩至此而贊之曰爲此詩者其知道乎而孟子引之以證性善之說其指深矣○按朱子此語本之龜谷山楊氏而小異蓋楊氏曰視聽言動必由禮焉此一身之則爲君止於仁爲臣止於敬爲子止於孝爲父止於慈此君臣父子之則愚謂有物有則乃天理之自然今日必由禮止於仁則人道之當然矣故朱子不盡取也○朱子又曰物指形氣則乃理也物之理方爲則若便以物爲則非也而南軒張氏有曰夫有

是物必有是則苟失其則實已非矣其得謂是名哉  
故凡言君不君臣不臣父不父子不子皆以失其則  
故也人生於天地之中其所以名爲人者以天之降  
衷善無不備也失其所以爲人之道則雖名爲人也  
而實何如哉其言深有警焉故附於此  
春秋左氏傳劉康公曰民受天地之中以生所謂命也  
是以有動作禮義威儀之則以定命也  
程子曰民受天地之中以生天命之謂性也○問受  
中與程子天然自有之中是一意否朱子曰只是一  
意蓋指大本之中也又問劉子所謂中卽周子所謂

太極否曰只一般但名不同中是恰好處○又曰這  
幾個字自古聖賢上下數千年喚得都一般必竟是  
聖賢傳授不斷故能如此至春秋時其傳猶未泯如  
劉康公論人受中以生其窮理甚精○愚按民受天  
地之中以生故凡動作禮義威儀皆有自然之準則  
過之非中也不及亦非中也所以然者以其有定命  
也命出於天一定而不可易雖欲違之得手動作以  
身言禮義以理言威儀以著於外者言

易大傳一陰一陽之謂道

朱子曰陰陽迭運者氣也其理則所謂道○程子曰



離陰陽便無道陰陽氣也所以陰陽者是道也氣形而下者道形而上者又曰道非陰陽也所以一陰一陽者道也如一闔一闢謂之變以天之氣繼之者善也成之者性也以地之氣道具於陰而行於陽繼言其發也善謂化育之功陽之事也成言其具也性謂物之所受言按生則有性而各具是道也陰之事也○問性具仁義禮智曰性猶是說成之者性只一陰一陽之道夫知做人做物已具是四者矣○問一陰一陽之謂道便是太極否曰陰陽只是陰陽道便是太極○繼之者善元亨也

成之者性利貞也○繼是接續綿綿不息之意成是凝成有主之意○問云云曰以一日言之則晝陽而夜陰以一月言之則望前爲陽望後爲陰以一歲言之則春夏爲陽秋冬爲陰從古至今恁地滾將去只是這箇陰陽是孰使之然也乃道也此氣之動爲人爲物渾是一箇道理故未生人物以前此理本善所以謂繼之者善氣質既定爲人爲物所以謂成之者性○大哉乾元萬物資始乃繼之者善也乾道變化各正性命此成之者性也○繼之者善自陰陽變化而言成之者性自人物稟受而言陰陽變化流行而

未始有窮陽之動也人物稟受一定而不可復易陰之靜也○天地變化不爲無陰然物之未形則屬乎陽物正其性不爲無陽然形氣已定則屬乎陰張忠定公云云事未著字以前屬陽著字以後屬陰似窺見此意○繼之者善繼字是動之頭若只一闔一闢而無繼便是合殺了問繼是動靜之間否曰是靜之終動之始也○問孔子言性與天道不可得而聞而孟子教人纔開口便說性善是如何曰孟子亦大槩說性善至於性之所以善亦少曾說必如孔子所謂一陰一陽之謂道繼之者善也成之者性也方是說

性與天道耳

孝經子曰天地之性人爲貴

董子曰人受命於天固超然異於羣生又有父子兄弟之親出有君臣上下之誼會聚相遇則有耆老長幼之施燦然有文以相接驩然有恩以相愛此人之所以貴也生五穀以食之桑麻以衣之六畜以養之服牛乘馬圉豹檻虎是其得天之靈貴於物也故孔子曰天地之性人爲貴明於天性知自貴於物知自貴於物然後知仁誼知仁誼然後重禮節重禮節然後安處善安處善然後樂循理樂循理謂之君子故

孔子曰不知命無以為君子此之謂也○龜山楊氏曰人稟五行之秀氣而靈於萬物者也故曰天地之性人為貴然人之下愚卒至於同乎物者豈賦予之異哉失其性而自賊之過也○西山李氏曰人之性即天地之性也○愚按荀子曰水火有氣而無生草木有生而無知禽獸有知而無義人有氣有生有知亦且有義故最為天下之貴也其論似矣至其論性則以為惡論禮則以為偽何其自相戾耶

中庸天命之謂性率性之謂道修道之謂教

朱子曰命猶令也性即理也天以陰陽五行化生萬

物氣以成形而理亦賦焉猶命令也於是人物之生因各得其所賦之理以為健順五常之德所謂性也率循也道猶路也人物各循其性之自然則其日用事物之間莫不各有當行之路是則所謂道也修品節之也性道雖同而氣稟或異故不能無過不及之差聖人因人物之當行者而品節之以為法於天下則謂之教若禮樂刑政之屬是也蓋人之所以為人道之所以為道聖人之所以為教原其所自無一不本於天而備於我學者知之則其於學知所用力而自不能已矣○或問云云何也曰天命之謂性言天

言言言  
之所以命乎人者是則人之所以爲性也蓋天之所  
以賦與萬物而不能自己者命也吾之得乎是命以  
生而莫非全體者性也故以命言之則曰元亨利貞  
而四時五行庶類萬化莫不由是以出以性言之則  
曰仁義禮智而四端五典萬事萬物之理無不統於  
其間蓋在天在人雖有性命之分而其理則未嘗不  
一在人在物雖有氣稟之異而其理則未嘗不同此  
吾之性所以純粹至善而非若荀楊韓子之所云也  
率性之謂道言循其所得乎天以生者則事事物物  
莫不自然各有當行之路是則所謂道也蓋天命之

性仁義禮智而已循其仁之性則自父子之親以至  
於仁民愛物皆道也循其義之性則自君臣之分以  
至於敬長尊賢亦道也循其禮之性則恭敬辭讓之  
節文皆道也循其智之性則是非邪正之分別皆道  
也蓋所謂性者無一理之不具故所謂道者不待外  
求而無所不備所謂性者無一物之不得故所謂道  
者不假人爲而無所不周雖鳥獸草木之生僅得形  
氣之偏而不能有以貫通乎全體然其知覺運動榮  
悴開落亦皆循其性而各有自然之理焉至於虎狼  
之父子蜂蟻之君臣豺獾之報本雌雄之有別則其

形氣之所偏又反有以存其義理之所得尤可以見天命之本然初無間隔而所謂道者亦未嘗不在是也是豈有待於人爲而亦豈人之所得爲哉修道之謂教言聖人因是道而品節之以立法垂訓於天下是則所謂教也蓋天命之性率性之道皆理之自然而人物之所同得也人雖得其形氣之正然其清濁厚薄之稟亦有不能不異者是以賢智者或失之過愚不肖者或失之不及而得於此者亦或不能無失於彼是以私意人欲或生其間而於所謂性者不免有所昏蔽錯雜而無以全其所受之正性有不全

則於所謂道者因亦有所乖戾舛逆而無以遠於所行之宜惟聖人之心清明純粹天理渾然無所虧闕故能因其道之所在而爲之品節防範以立教於天下使夫過不及者有以取中焉蓋有以辨其親疎之殺而使之各盡其情則仁之爲教立矣有以別其貴賤之等而使之各盡其分則義之爲教行矣爲之制度文爲使之有以守而不失則禮之爲教得矣爲之開導禁止使之有以別而不差則智之爲教明矣夫如是是以人無知愚事無大小皆得有所持循據守以去其人欲之私而復乎天理之正推而至於天下

言言言 卷之一 九  
之物則亦順其所欲違其所惡因其材具之宜以致  
其用制其取用之節以遂其生皆有政事之施焉此  
則聖人所以材成之道而致其彌縫輔贊之功然亦  
未始外乎人之所受乎天者而強爲之也○問天命  
謂性之命與死生有命之命不同何也曰死生有命  
之命是帶氣言之氣便有稟得多少厚薄之不同天  
命謂性之命是統乎理言之然天之所命不離乎氣  
但中庸此句乃是以理言○天命之謂性者是就人  
身中指出這個是天命之性不雜氣稟者而言○天  
命之謂性是專言理若云兼言氣便說率性之謂道

不去如太極雖不離乎陰陽亦不雜乎陰陽○按輯  
畧程子曰上天之載無聲無臭其體則謂之易其理  
則謂之道其用則謂之神其命於人則謂之性率性  
則謂之道修道則謂之教○生之謂性與天地之性  
同乎性字不可一槩論生之謂性止訓所稟受也天  
命之謂性此言性之理也今人言性柔緩性剛急皆  
生來如此此訓所稟受也若性之理則無不善曰天  
者自然之理也又曰道卽性也若道外尋性性外尋  
道便不是又曰仁也者人也合而言之道也率性之  
謂道也又曰率性之謂道率循也若言道不先立下

名義則茫茫遵何處下手何處着心又曰天命之謂性率性之謂道者天降是於下萬物流形各正性命者是所謂性也循其性而不失是所謂道也此亦通人物而言循性者馬則爲馬之性又不做牛底性牛則爲牛底性又不爲馬底性此所謂率性也人在天地之間與萬物同流天幾時分別是人爲物修道之謂教此則專主人事○呂氏曰中者天道也天德也降而在人人稟而受之是之謂性書曰惟皇上帝降衷於下民傳曰民受天地之中以生此人性之所以必善故曰天命之謂性性與天道本無有異但人雖

受天地之中以生而梏於叢爾之形體常有私意小智撓乎其間故與天地不相似所發遂至於出入不齊而不中節如使所得於天者不喪則豈不中節乎故良心所發莫非道也在我者惻隱羞惡辭讓是非皆道也在彼者君臣父子夫婦昆弟朋友之交皆道也在物之分則有彼此之殊在性之分則合乎內外一體而已是皆人心所同然乃吾性之所固有隨喜怒哀樂之所發則愛必有差等敬必有節文所感重者其應也亦重所感輕者其應也亦輕自斬至緦喪服異等而九族之情無所憾自王公至皂隸儀章異

制而上下之分莫敢爭非出於性之所有安能致是乎故曰率性之謂道○游氏曰天之命萬物者道也而性者具道以生也因其性之固然而無容私焉則道在我矣此率性之謂道也若出於人爲則非道矣○楊氏曰天命之謂性人欲非性也率性之謂道離性非道也性天命也命天理也道則性命之理而已孟子道性善蓋原於此謂性有不善者誣天也性無不善則不可加損也無俟乎修焉率之而已楊雄謂學以修性非知性者也故孔子曰盡性子思曰率性曰尊德性孟子曰知性養性未嘗言修也然則道其

可修乎曰道者日用而不知也先王爲之防範使過不及者取中焉所以教也謂之修者蓋亦品節之而已○又曰性命道三者一體而異名初無二致也故在天曰命在人曰性率性而行曰道特所從言之異耳○又曰人性上不可添一物堯法之所以爲萬世法只是率性而已所謂率性循天理是也外邊用計用數假饒立得功業只是人欲之私與聖賢作處天地懸隔○朱子曰程子之論率性正就私意人欲未萌之處指其自然發見各有條理者而言以見道之所以得名非指修爲而言也呂氏良心所發以下至



言言言  
卷之一  
安能致是一節亦甚精密但謂人雖受天地之中以  
生而梏於形體又爲私意小知所撓故與天地不相  
似而發不中節必有以不失其所受乎天者然後爲  
道則所謂道者又在修爲之後而反由教以得之非  
復子思程子所指人欲未萌自然發見之意矣游氏  
所謂無容私焉則道在我楊氏所謂率之而已者似  
亦皆有呂氏之病也○此率字不是用力伊川謂合  
而言之道也是此義○率性之謂道只是循性去皆  
是道呂氏說以人行道若然則未行之前便不是道  
乎○性是箇渾淪物道是性中分派條理隨分派條

理去皆是道如穿牛鼻絡馬首皆是隨他所通處仁  
義禮智物豈不有但偏耳隨他所通處道亦無不在  
○性與道相對則性是體道是用道便是在裏面做  
出底道理○程子謂通人物而言馬則爲馬之性馬  
不做牛底性牛則爲牛之性又不做馬底性物物各  
有箇理卽此便是道○總而言之又只是一箇理否  
曰是或引伊川循之而不失語以問者勉齋黃氏曰  
如此則循性不是道而不失方是道也又引類而循  
之順而修之以爲程子之密旨又謂因其良心之所  
發順而循之者爲道終亦未免循之而不失之意循

之而不失病在不失順而循之其病在順須要見得性也者人物不能不循循而見之常行之間便是道初非有意於不失亦非有意於順若是有意便是人為纔是人為便不是自然底道理怵惕惻隱是愛赤子之道所以有是道者是循其性而自然有是道則良心所發便是循性今日因其良心之所發順而循之則良心所發不是循性又何自而發耶待其既發而循之則是率情不是率性矣○愚按朱子論率性之義蓋本程子之說而黃氏又辨不失二字為有病又益精矣或謂朱子於告子生之謂性章深言人物

之異而於此章乃兼人物而言何也曰生之謂性以氣言者也天命之謂性以理言者也以氣言之則人物所稟之不同以理言之則天之所命一而已矣然則人物各循其性斯謂之道則虎狼之搏噬馬牛之踉蹌亦道耶曰子思之所謂率性云者循其天命之性也虎狼之慈仁馬牛之健順是也若夫搏噬踉蹌則氣稟之所為而非天命之本然矣豈獨物為然凡人之為善者皆循天命之性也而為不善則發乎氣稟之性矣以是而觀則此章兼人物而言尚何疑哉禮運人者其天地之德陰陽之交鬼神之會五行之秀

氣也

鄭氏曰言人兼此氣性純也○孔氏疏曰天以覆爲德地以載爲德人感覆載爲生是天地之德也陰陽則天地據其氣謂之陰陽據其形謂之天地獨陽不生獨陰不成二氣相交乃生故云陰陽之交也鬼謂形體神謂精靈祭義云氣也者神之盛也魄也者鬼之盛也必形體精靈相會然後物生故曰鬼神之會也人感五行秀異之氣故有仁義禮智信是五行之秀氣也故人者天地之德陰陽之交是其氣也鬼神之會五行之秀是其性也○愚按天地之德蓋指乾

坤健順而言此天地之理人之所得以爲性者也陰陽鬼神五行皆指氣而言流行天地之間而人之所得以爲形者也然氣之流行理實寓焉非氣之外有所謂理也但理無不善氣則有清濁昏明之不同耳疏以天地之德爲氣鬼神五行爲性恐非又曰故人者天地之心也五行之端也

鄭氏曰此言兼氣性之效也正義曰天地高遠在上臨下四方人居其中央動靜應天地天地有人如人腹內有心動靜應人也故云天地之心王肅曰人於天地之間如五藏之有心人乃生之最靈其心五藏

之最聖也端猶首也萬物悉由五行而生而人最得其妙氣明仁義禮智信為五行之首也○邵子曰人居天地之中心居人之中張氏衍義曰人者天地之太極故居天地之中天地待之以為主亦賴之以為又用心者人之太極故居人之中人待之以為主亦賴之以為用○按邵張之言本非為此設而其義畧同故附此

滕文公為世子將之楚過宋而見孟子孟子道性善言必稱堯舜

朱子曰道言也性者人所稟於天以生之理也渾然

至善未嘗有惡人與堯舜初無少異但眾人汨於私欲而失之堯舜則無私欲之蔽而能克其性爾故孟子與世子言每道性善而必稱堯舜以實之欲其知仁義不假外求聖人可學而至而不懈於用力也○程子曰性即理也天下之理原其所自未嘗不善喜怒哀樂未發何嘗不善發而中節即無往而不善發不中節然後為不善故凡言善惡皆先善而後惡言吉凶皆先吉而後凶言是非皆先是而後非○世子自楚反復見孟子孟子曰世子疑吾言乎夫道一而已矣

而時人不知性之本善而以聖賢為不可企及故世子  
 於孟子之言不能無疑而復來求見蓋恐別有卑近  
 易行之說也孟子知之故但告之如此以明古今聖  
 愚本同一性前言已盡無復有他說也  
 成颺謂齊景公曰彼丈夫也我丈夫也吾何畏彼哉顏  
 淵曰舜何人也予何人也有為者亦若是公明儀曰文  
 王我師也周公豈欺我哉  
 孟子既告世子以道無二致而復引此三言以明之  
 欲世子篤信力行以師聖賢不復當求他說也  
 今滕絕長補短將五十里也猶可以為善國書曰若藥

不瞑眩厥疾不瘳  
 言滕國雖小猶足為治但恐安於卑近不能自克則  
 不足以去惡而為善也孟子言性始見於此而詳具  
 於告子之篇然默識而旁通之則七篇之中無非此  
 意其所以擴前聖之未發而有功於聖人之門程子  
 之言信矣  
 告子曰性猶杞柳也義猶桮棬也以人性為仁義猶以  
 杞柳為桮棬  
 而朱子曰性者人生所稟之天理也告子言人性本無  
 仁義必矯揉而後成如荀子性惡之說也

孟子曰子能順杞柳之性而以為桮棬乎將戕賊杞柳而後以為桮棬也如將戕賊杞柳而以為桮棬則將戕賊人以為仁義與率天下之人而禍仁義者必子之言夫

言如此則天下之人皆以仁義為害性而不肯為是因子之言而為仁義之禍也○南軒張氏曰有太極則有兩儀故立天之道曰陰與陽立地之道曰柔與剛立人之道曰仁與義仁義者性之所有而萬善之宗也人之有仁義乃其性之本然自親親而推之至於仁不可勝用自長長而推之至於義不可勝用皆

順其所素有而非外之也若逆乎仁義則為失其性矣而告子乃以杞柳為喻其言曰以人性為仁義則而失之甚矣蓋仁義性也而曰以人性為仁義則性別為一物以人為矯揉而為仁義其失豈不甚乎○或謂杞柳之可為桮棬亦性也朱子曰杞柳之性固可以為桮棬然須斬伐截截矯揉而後可成故孟子曰戕賊杞柳而後可以為桮棬若杞柳可為而梗楠不可為又是第二重義理不當引以為說○愚按程子曰服牛乘馬皆因其性而為之胡不乘牛而服馬理不可也或人之說蓋本於此然杞柳之為桮棬尚須

五人力仁義之性本於自然不待着力此朱子所以不  
而取之也其義精矣

告子曰性猶湍水也決諸東方則東流決諸西方則西  
流人性之無分於善不善也猶水之無分於東西也

朱子曰告子因前說而小變之近於楊子善惡混之  
孟子曰水信無分於東西無分於上下乎人性之善也

猶水之就下也人無有不善水無有不下今夫水搏而  
而躍之可使過顙激而行之可使在山是豈水之性哉其

勢則然也人之可使為不善其性亦猶是也  
此章言性本善故順之而無不善本無惡故反之而

後為惡非本無定體而可以無所不為也○或問告

子楊子之說如何曰告子以為性無善惡楊子以為  
性有善惡其言雖同而所以言則亦不無少異也

告子曰生之謂性  
朱子曰生指人物之所以知覺運動者而言告子論

性前後四章語雖不同然其大意不外乎此與近世  
佛氏所謂作用是性者畧相似

孟子曰生之謂性也猶白之謂白與曰然白羽之白也  
猶白雪之白白雲之白猶白玉之白與曰然

白羽以下孟子再問而告子以為然則是謂凡有生

者同是一性矣。然則犬之性猶牛之性，牛之性猶人之性，與

孟子又言若果如此，則犬牛與人皆有知覺，皆能運動，其性皆無以異矣。於是告子自知其非而不能對也。○今按性者人之所得於天之理也，生者人之所得於天之氣也。性形而上者也，氣形而下者也。人物之生莫不有是性，亦莫不有是氣。然以氣言之，則知而覺，運動人與物初不異也。以理言之，則仁義禮智之稟，豈物之所得而全哉？告子不知性之為性，而以所謂氣者當之，是以杞柳湍水之喻，食色無善無不善。

之說縱橫繆戾紛紜舛錯，而此章之誤乃其本根所。以然者蓋徒知知覺運動之蠢然者人與物同，而不知仁義禮智之粹然者人與物異也。孟子以是折之，其義精矣。○人物之生天賦之，以此理未嘗不同，但人物之稟受自有異爾。如一江水杓取只得一杓，碗取只得一碗，至於一桶一缸各隨器量不同，故理亦隨以異。○物亦具有五行，只是得五行之偏者耳。○論萬物之一原則理同而氣異，觀萬物之異體則氣猶相近而理絕不同。氣相近如知寒煖識饑飽好生惡死趨利避害人與物都一般，理不同如蜂蟻之君



言言言 卷之一  
臣只是義上有一點子明虎狼之父子只是仁上有一點子明其他更推不去○問人物皆稟天地之理以爲性皆受天地之氣以爲形若人稟之不同固是氣有昏明厚薄之異若在物言之不知是所稟之理便有不全耶亦是緣氣稟之昏蔽故如此耶曰惟其所受之氣只有許多故其理亦只有許多如犬馬形氣如此故只會得如此事又問物物具一太極則是理無不全也曰以理言之則無不全以氣言之則不能無偏○性如日光人物所受之不同如隙竅之後光有大小也○人與物都一般者理也所以不同者


心也人心虛靈包得許多道理過故無不通雖有氣質昏底亦可克治使明萬物之心便包許多道理不過大本論之其理則一纔稟於氣便有不同○問動物有知植物無知何也曰動物有血氣故能知植物雖不可言知然一般生意亦可見若戕賊之便枯悴不悅擇亦似有知者○問理是人物同得於天者如物之無情者亦有理否曰固是有理如舟只可行之於水車只可行之於陸○孟子言人之所以異於禽獸者幾希庶民去之君子存之不知人何故與禽獸異又言犬之性猶牛之性牛之性猶人之性與不知

人何故與牛犬異此兩處似欠一轉語須著說是形氣不同故性亦少異始得恐孟子見得人性同處自是分曉直截却於此似未甚察○問氣有清濁而理則同如何曰理如寶珠在聖賢則如置在清水中其輝光自然發見在愚不肖則如置在濁水中須是澄去泥沙則光方可見至如萬物亦有此理只爲氣昏塞如置寶珠於濁泥中不復可見○生之謂性生之理謂性○孟子以理言性告子以氣言性○問告子云云曰合下便是錯了他只是說生來精神魂魄凡動用處是性正如禪家說作用是性只說得箇形而

下者故孟子闢之○釋氏云作用是性在目曰見在耳曰聞在鼻嗅香在口談論在手執捉在足運奔卽告子生之謂性之說也且如手執捉若執刀妄亂殺人亦可謂性乎龜山舉龐居士云神通妙用運水搬柴以此徐行後長不知徐行後長方謂之弟疾行先長則爲不弟如曰運水搬柴卽是妙用則徐行疾行皆可謂之弟耶○告子說生之謂性二程都說他說得是只下面接得不是若如此說却如釋氏言作用是性乃是說氣質之性非性善之性○按程子曰告子云生之謂性凡天地所生之物須是謂之性皆謂

之性則可於中却分別牛之性馬之性是他便只道  
一般如釋氏說蠢動含靈皆有佛性如此則不可蓋  
不以生之謂性為非故朱子云云其義益精矣  
告子曰食色性也仁內也非外也義外也非內也  
朱子曰告子以人之知覺運動者為性故言人之其  
食悅色者即其性故仁愛之心生於內而事物之宜  
由乎外學者但當用於仁而不必求合於義也  
孟子曰何以謂仁內義外也曰彼長而我長之非有長  
於我也猶彼白而我白之從其白於外也故謂之外也  
曰異於白馬之白也無以異於白人之白也不識長馬

之長也無以異於長人之長與且謂長者義乎長之者  
義乎  
張氏曰上異於二字宜衍李氏曰或有闕文焉今按  
白馬白人所謂彼白而我白之也長馬長人所謂彼  
長而我長之也白馬白人不異而長馬長人不同是  
乃所謂義也義不在彼之長而在我長之之心則義  
之非外明矣  
曰吾弟則愛之秦人之弟則不愛也是以我為悅者也  
故謂之內長楚人之長亦長吾之長是以長為悅者也  
故謂之外也



言愛主於我故仁在內敬主於長故義在外  
曰耆秦人之炙無以異於耆吾炙夫物則亦有然者也  
然則耆炙亦有外與  
言長之耆之皆出於心也林氏曰告子以食色為性  
故因其所明者而通之自篇首至此四章告子之辨  
屢屈而屢變其說以求勝卒不聞其能自反而有所  
疑也此正其所謂不得於言勿求於心者所以卒於  
五鹵莽而不得其正也○飲食男女固出於性然告子  
秦以生為性則以性為止於是矣因此又生仁內義外  
之說正與佛者之言以作用為性義理為障者相類

然孟子不攻其食色之云者使誠知義之非外則性  
之不止於食色其有以察之矣○告子不知理之為  
性乃即人之身而指其能知覺運動者以當之所謂  
生者是也始而見其但能知覺運動非教不成故有  
杞柳之譬既屈於孟子之言而病其說之偏於惡也  
則又繼而為湍水之喻以見其但能知覺運動而非  
有善惡之分又以孟子為未喻己之意也則又於生  
之謂性章極其立論之本意而索言之至於孟子折  
之則其說又窮而終莫悟其非也其以食色為言蓋  
猶生之云爾而公都子之所引又湍水之餘論也以

是考之凡告子之論性其不外乎生之一字明矣但前此未有深究其弊者往往隨其所向各爲一說以與之辨而不察其所以失之端獨在於此是以其說雖多而迄無一定之論也○告子只知有人心不知有道心故有食色性也及義外之說○南軒張氏曰食色固出於性然莫不有則焉今告子乃舉物而遺其則是固出於性無分於善不善之論也其說行則天理不明而人欲莫之遏矣至於仁內義外之說其失又甚焉彼以爲長之在人如白之在彼曾不知白之爲色一定而不變而長之所宜則隨事而不同也

若曰槩而論則馬之長將亦無以異於人之長而可孟乎長雖在彼而長之者在我蓋長之之理素具於此內非因彼而有也有是性則具是理其輕重親疎小大遠近之宜固森然於秉彝之中而不可亂事物至於前者雖有萬之不同而有物必有則泛應曲酬各得其當皆吾素有之義而非外取之此天所命也惟夫昧於天命而以天下之公理爲有我之得私而始有義外之說孟子告之曰且謂長者義乎長之者義乎使思夫長之之爲義則知義之非外矣而告子猶惑焉謂愛吾翁而不愛秦人之翁是以我爲悅故曰仁

內也長吾長而亦長楚人之長是以長爲悅故曰義外也會不知所以長之者非在我而何出哉故孟子復以嗜炙喻之同爲炙也而所以嗜之則在我然則以其在彼之同而謂嗜炙之爲外可乎雖然長吾之長義也長楚人之長亦義也長則同而待吾兄與待楚人固有間矣其分之殊豈人之所能爲哉觀告子義外之說固爲不知義矣則其所謂仁內者亦烏知仁之所以爲仁者哉彼徒以愛爲仁而不知愛之施有差等固義之所存也徒以長爲義而不知所以長者固仁之體也不知仁義而以論性宜乎莫適其指

歸也

孟季子問公都子曰何以謂義內也曰行吾敬故謂之內也

朱子曰所敬之人雖在外然知其當敬而行吾心之敬以敬之則不在外也

鄉人長於伯兄一歲則誰敬曰敬兄酌則誰先曰先酌鄉人所敬在此所長在彼果在外非由內也此皆季子問公都子荅而季子又言如此則敬長之心果不由中出也

公都子不能答以告孟子孟子曰敬叔父乎敬弟乎彼

將曰敬叔父曰翁為尸則誰敬彼將曰敬翁子曰惡在其敬叔父也彼將曰在位故也子亦曰在位故也庸敬在兄斯須之敬在鄉人

尸祭祀所主以象神雖子翁為之然敬之當如祖考也在位翁在尸位鄉人在賓客之位也庸常也斯須暫時也言因時制宜皆由中出也

季子聞之曰敬叔父則敬敬翁則敬果在外非由內也公都子曰冬日則飲湯夏日則飲水然則飲食亦在也此亦上章耆炙之意○范氏曰二章問答大指畧同皆反復譬喻以曉當世使明仁義之在內則知人性

善而皆可為堯舜矣○南軒張氏曰季子不知性故於義內之說有疑焉公都子答以行吾敬故謂之內今亦未為失也蓋敬之所施各有攸當是乃義也然公都子未能本於性而論故聞季子先酌鄉人之論則無以對之蓋庸敬於兄義也以鄉人之長酌而先之亦義也可敬雖在彼而敬之者在我故孟子以弟為尸為比夫兄之當敬鄉人之酌當先與夫為尸者之當敬皆其理之素定而不易者也然則其為在內也明矣而季子猶惑焉蓋以叔父與翁為在外而不知其義之存於內內外之本一也公都子蓋有發於孟

子之言故以冬日飲湯夏日飲水譬之蓋冬之飲必  
止湯夏之飲必水是乃義也而豈外乎哉

公都子曰告子曰性無善無不善也然則其為善也  
朱子曰此亦生之謂性食色性也之意蘇氏胡氏之  
說蓋如此

或曰性可以為善可以為不善是故文武興則民好善  
幽厲興則民好暴

此即湍水之說  
或曰有性善有性不善是故以堯為君而有象以瞽瞍  
為父而有舜以紂為兄之子且以為君而有微子啓王

子比干

韓子性有三品之說蓋如此

今曰性善然則彼皆非與孟子曰乃若其情則可以為  
善矣乃所謂善也

情者性之動也人之情本但可以為善而不可以為  
惡則性之本善可知矣

若夫為不善非才之罪也

才猶材質人之能也人有是性則有是才性既善則  
才亦善人之為不善乃物欲陷溺而然非其才之罪也

惻隱之心人皆有之羞惡之心人皆有之恭敬之心人



皆有之是非之心人皆有之惻隱之心仁也羞惡之心  
義也恭敬之心禮也是非之心智也仁義禮智非由外  
鑠我也我固有之也弗思耳矣故曰求則得之舍則失  
之或相倍蓰而無算者不能盡其才者也  
言四者之心人所固有但人自不思而求之耳所以  
善惡相去之遠由不求不思而不能擴克以盡其才  
也前篇言是四者爲仁義禮智之端而此不言端者  
今彼欲其擴而克之此直因用以著其本體故言有不  
同耳

詩曰天生蒸民有物有則民之秉彜好是懿德孔子曰

爲此詩者其知道乎故有物必有則民之秉彜也好  
是懿德  
有物必有法如有耳目則有聰明之德有父子則有  
慈孝之心是民所秉執之常性也故人之情無不好  
此懿德者以此觀之則人性之善可見而公都子所  
問之三說皆不辨而自明矣程子曰性卽理也理則  
堯舜至於塗人一也才稟於氣氣有清濁稟其清者  
爲賢稟其濁者爲愚學而知之則氣無清濁皆可至  
於善而復性之本湯武身之是也孔子所言下愚不  
移者則自暴自棄之人也今按程子所說才字與孟

子本文小異蓋孟子專以其發於性者言之故以為才無不善程子兼指其稟於氣者言之則人之才固有昏明強弱之不同矣所謂氣質之性是也二說雖殊各有所當然以事理考之程子為密蓋氣質所稟雖有不善而不害性之本善性雖本善而不可以無省察矯揉之功學者所當深玩也○告子曰性無善無不善非惟無不善并善亦無之謂性中無惡則何謂無善則性果何物○性既善才亦可為善今乃至於為不善非是才如是乃是我使才如此故曰非才之罪○問孟子言情才皆善如何曰情本自善其發

也未有染汙何嘗不善才只是資質亦無不善譬物之白者未染時只是白也○人皆有許多才聖人却做許多事我不能做得些子出故孟子謂或倍蓰而無算者不能盡其才者也○不能盡其才謂發得畧好便自阻隔了不順他道理做去○論情可為善因曰李翱論復性則是滅情以復性則非情如何可滅此乃釋氏之說陷於其中不自知○理純而氣雜理精一故純氣粗故雜○胡氏說性不可以善言本然之性其尊無對纔說善時便與惡對非本然之性矣孟子道性善非是說性之善只是贊嘆之辭其常辨

之本然之性固渾然至善無惡可對此天之賦予然也然行之在人則有善有惡行得善者卽本然之性豈可謂善者非本然之性乎若如其言有本然之性又有善惡相對之性則是有兩性矣其得於天者此性也行得善者亦此性也只是纔有箇行得善底便有箇不善底所以善惡須着對說不是元有箇惡在裏與之爲對只是行得錯底便流入於惡爾然文定之說又得於龜山龜山得之東林摠老摠極聰明龜山嘗問孟子道性善是否摠曰是又問性豈可以善惡言摠曰本然之性不與惡對摠之言本未有病蓋

本然之性是本無惡及至文定父子遂分成兩截說善底不是性若善底非本然之性却那處得這善來旣以善爲贊嘆之詞便是性本善矣若非性善何贊嘆之有二蘇論性亦是如此嘗言孟子道性善猶云火之能熟物也荀卿言性惡猶云火之能焚物也龜山反其說而辨之曰火之所以能熟物者以其能焚故耳若火不能焚物何從熟蘇氏論性自堯舜至孔子不得已而命之且寄之曰中曰一未嘗分善惡言也自孟子道性善而一與中始交矣更不看道理只認說得行底便是諸胡之說亦然知言論性曰不可

言言言  
以善惡辨不可以是非分既無善惡又無是非則是  
告子湍水之說爾○問知言萬事萬物性之質也如  
何曰此未有害最是好惡性也大錯○五峯言天命  
不囿於善不可以人欲對天理固無對然有人欲即  
天理便不得不與人欲相為消長善亦本無對然既  
有惡則善便不得不與惡對為盛衰且謂天命不囿  
於物可也謂其不囿於善則不知天之所以為天矣  
謂惡不足以言性可也謂善不足以言性則不知善  
之所從來矣○好善而惡惡人之性也為有善惡故  
有好惡君子順其性小人拂其性五峯言好惡性也

君子好惡以道小人好惡以欲是好人之所惡惡人  
之所好亦是性也而可乎或問天理人欲同體異用  
豈同行異情之說如何先生曰當然之理人合恁地底  
便是體故仁義禮智為體如五峯之說則仁與不仁  
義與不義禮與無禮智與無智皆是性非小失也性  
中只有天理無人欲謂之同體可乎若如此則是性  
可以為善亦可以為惡也同行異情蓋亦有之如口  
之於味目之於色耳之於聲鼻之於臭四肢之於安  
佚聖人與常人皆如此是同行也然聖人之情不溺  
於此所以與常人異耳○龜山云天命之謂性人欲

非性也胡氏不取其說是以人欲爲性矣此其甚差者也○又白雲郭氏言性善之善非善惡之善先生謂極本窮源之善與善惡未流之善非有二也但其發與未發言之有不同耳蓋未發之前只有此善而其發爲善惡之善者亦此善也既發之後乃有不善以雜焉而所謂善者卽極本窮源之發耳○南軒張氏曰善者性也能爲善者才也

孟子曰形色天性也惟聖人然後可以踐形

朱子曰人之有形有色無不各有自然之理所謂天性也踐如踐言之踐蓋衆人有是形而不能盡其理

故無以踐其形惟聖人有是形而又能盡其理然後可以踐其形而無歉也○程子曰此信聖人盡得人道而能克其形也蓋人得天地正氣而生與萬物不同旣爲人須盡得人理然後稱其名衆人有之而不

知賢人踐之而未盡能克其形惟聖人也楊氏曰天生蒸民有物有則物者形色也則者性也各盡其則則可以踐形也○南軒張氏曰有是形者皆可以踐形其曰可以者猶言事親若曾子可也言至於聖人而適得爲能踐其形也然則有是形者皆可以爲聖人其不爲聖人者以其不能踐之故耳

周子曰無極而太極以是為本。朱子曰上天之載無聲無臭而實造化之樞紐品彙之根抵也故曰無極而太極非太極之外復有無極也。○大傳云太極者何也即兩儀四象八卦之理具於三者之先而蘊於三者之內者也正以其究竟至極無名可名故特謂之太極猶曰舉天下之極無加此云耳。○大傳既云形而上者謂之道矣而又曰一陰一陽之謂道此豈直以一陰一陽為形而上者哉正所以見一陰一陽雖屬形器然其所以一陰一陽是乃道體之所為也故語道體之至極則謂之太極

語太極之流行則謂之道雖有二名初無兩體周子所以謂之無極正以其無方所無形狀以為在無物之前而未嘗不立於有物之後以為在陰陽之外而未嘗不行乎陰陽之中以為通貫全體無乎不在則又初無聲臭影響之可言也今乃深詆無極之不然則是直以太極為有形狀有方所矣。○以其無器與形而具天地萬物之理故曰無極而太極以其具天地萬物之理而無器與形故曰太極本無極。○天地之間只有動靜兩端循環不已更無餘事此之謂易而其動其靜則必有所以動靜之理焉是則所謂太

極者也聖人既指其實而名之周子又爲圖以象之其所以發明表著可謂無餘蘊矣原極之所以得名蓋取樞極之義聖人謂之太極者所以指夫天地萬物之根也周子因之而又謂之無極者所以著夫無聲無臭之妙也然曰無極而太極太極本無極則非無極之後別生太極而太極之上先有無極也又曰五行陰陽陰陽太極則非太極之後別生二五而二五之上先有太極也以至于成男成女化生萬物而無極之妙蓋未始不在是焉此一圖之綱領大易之遺意與老子所謂物生於有有生於無而以造化爲

真者有始終者正南北矣○又云老氏之言有無以有無爲二周子之言有無以有無爲一○太極只是天地萬物之理在天地則天地中有太極在萬物則萬物中各有太極未有天地之先畢竟先有此理○或云太極便是人心之至理先生曰事事物物皆有箇極是道理之極至或曰如君之仁臣之敬便是先生曰此是一事一物之極摠天地萬物之理便是太極○無極是有理而無形如性何嘗有形○太極只是極至周子恐人道太極有形故曰無極是無形之中有箇至極之理○太極不是別爲一物卽陰陽而在

陰陽卽五行而在五行卽萬物而在萬物只是一箇理而已○太極是箇極好至善底道理○無極而太極人都想象有箇光明閃鑠底物在那裏却不知本

是說無這物事只有箇理能如此動靜而已○上天

之載云云是就有中說無無極而太極是就無中說有南軒張氏曰太極所以形性之妙也若只曰性而不曰太極則只去未發上認之不見功用曰太極則

性之妙都見矣體用一源顯微無間其太極之蘊歟○無極而太極猶言莫之爲而爲

太極動而生陽動極而靜靜而生陰靜極復動一動一

靜互爲其根分陰分陽兩儀立焉而動靜之理已見矣  
太極之有動靜是天命之流行也其動也誠之通也繼之者善萬物之所資以始者也其靜也誠之復也成之者性萬物各正其性命也動極而靜靜極復動一動一靜互爲其根命之所以流行而不已也動而生陽靜而生陰分陰分陽兩儀立焉分之所以一定而不移也蓋太極者本然之妙也動靜者所乘之機也太極形而上之道陰陽形而下之器也是以自其著者而觀之則動靜不同時陰陽不同位而太極無不在焉自其微者而觀之則冲漠無朕而動靜陰陽



言言言 卷之一 三六  
之理已悉具於其中矣雖然推之於前而不見其始  
之合引之於後而不見其終之離也故程子曰動靜  
無端陰陽無始非知道者孰能識之○問太極動而  
生陽靜而生陰見得理先而氣後曰二者有則俱有  
問未有一物之時如何曰是有天下公共之理未有一  
物不具是理○問太極之有動靜是靜先動後否  
曰一動一靜循環無端無靜不成動無動不成靜譬  
如鼻息無時不噓無時不吸吸盡則生噓噓盡則生  
吸理自如此○太極動而生陽是且從動處說起其  
實動前是靜靜前又是動如晝而夜夜而晝晝前已

有夜夜前已有晝○動靜無端陰陽無始本不可以  
先後言然就中間截斷言之則亦不得不言其有先  
後也如太極動而生陽則其未動之前固已嘗靜矣  
靜極復動則已靜之後固必有動矣就此看又有先  
後也○當初元無一物只有此理有此理便會動而  
生陽靜而生陰靜極復動動極復靜循環流轉其實  
理無窮氣亦與之無窮自有天地便只是這物事在  
這裏流轉一日有一日之運一月有一月之運一歲  
有一歲之運都只是這箇物事衮衮將去如水車相  
似一箇起一箇倒一箇上一箇下如人不語則嘿不


言書言  
卷之一  
三十七  
嘿則語中間更無空缺處○太極動而生陽靜而生陰不是動後方生陽蓋才動便屬陽靜便屬陰○陰陽動靜以大體言則春夏是動屬陽秋冬是靜屬陰就一日言之晝陽而動夜陰而靜就一時一刻言之無時而不動靜無時而無陰陽曰陰陽無處無之橫看豎看皆可見橫看則左陽而右陰豎看則上陽而下陰仰手則為陽覆手則為陰向明處為陽背明處為陰正蒙云陰陽之氣循環迭至聚散相盪升降相求細蘊相揉相兼相制欲一之不能蓋謂是也○動而生陽元未有物且是如此動盪所謂化育流行也

動而生陰陰主凝然後萬物各正性命○太極未動之前便是陰靜陰靜之中自有陽之根陽動之中又有陰之根動所以必靜者根乎陰故也靜所以必動者根乎陽故也○問如何是所乘之機曰理搭於氣而行○太極理也動靜氣也氣行則理亦行二者常相依而未嘗相離也○圖解云動靜者所乘之機識者謂此語最精蓋太極是理陰陽是氣理無形而氣有迹氣既有動靜則所載之理亦安得無動靜○陰陽有个流行底有个定位底一動一靜互為其根是流行底寒暑往來是也分陰分陽兩儀立焉是定位

底天地四方是也易有兩義一是變易便是流行底  
一是交易便是對待底○問太極是理理不可以動  
靜言惟動而生陽靜而生陰理寓於氣不能無動靜  
所乘之機乘載之乘其動靜者乃乘載在氣上不覺  
動了靜靜了又動先生曰然○自見在事物觀之則  
陰陽函太極推其本則太極生陰陽○南軒張氏曰  
太極函動靜之理者也有體必有用太極之動始而  
亨也動極而靜利而貞也動靜之端立則陰陽之形  
著矣一動一靜互為其根動為靜之根而靜復為動  
之根非動之能生靜靜之能生動動而靜靜而動兩

端相感太極之道然也故曰一闔一闢謂之變往來  
不窮謂之通語其體則無極而太極冥漠無朕而動  
靜陰陽之理無不具於其中循其用則動靜之為陰  
陽者闔闢往來變化萬物而太極之體各全其形器  
之內此易之所以為易也

陽變陰合而生水火木金土五氣順布四時行焉  
有太極則一動一靜而兩儀分有陰陽則一變一合  
而五行具然五行者質具於地而氣行於天者也以  
質而語其生之序則曰水火木金土而水木陽也火  
金陰也以氣而語其行之序則曰木火土金水而木



火陽也金水陰也又統而言之則氣陽而質陰也又錯而言之則動陽而靜陰也蓋五行之變至於不可勝窮然無遠而非陰陽之道至其所以為陰陽者則又無遠而非太極之本然也○水陰根陽火陽根陰錯綜而生其端乃天一生水地二生火天三生木地四生金其運行處則水生木木生火火生土土生金金又生水循環相生○陽變陰合初生水水火水氣也流動閃爍其體尚虛其成形猶未定次生木金則確然有定形矣○問陽變陰合如何曰陽動而陰隨五行一陰陽也陰陽一太極也太極本無極也五行之

生也各一其性

五行具則造化發育之具無不備矣故又即此而推本之以明其渾然一體莫非無極之妙而無極之妙亦未嘗不各具於一物之中也蓋五行異質四時異氣而皆不能外乎陰陽陰陽異位動靜異時而皆不能離乎太極至其所以為太極者又初無聲臭之可言是性之本體然也天下豈有性外之物哉然五行之生隨其氣質而所稟不同所謂各一其性也各一其性則渾然太極之全體無不各具於一物之中而性之無所不在又可見矣

無極之真二五之精妙合而凝乾道成男坤道成女二氣之感化生萬物萬物化生而變化無窮焉夫天下無性外之物而性無不在此無極二五所以混融而無間者也所謂妙合者也真以理言無妄之謂也精以氣言不二之名也凝者聚也氣聚而成形也蓋性爲之主而陰陽五行爲之經緯錯綜又各以類凝聚而成形焉陽而健者成男則父之道也陰而順者成女則母之道也是人物之始以氣化而生者也氣聚成形則形交氣感遂以形化而人物性生變化無窮矣自男女而觀之則男女各一其性而男女

而一太極也自萬物而觀之則萬物各一其性而萬物之與太極也蓋合而言之萬物統歸一太極也分而言之則一物各具一太極也○太極便是性動靜陰陽是心水火木金土是仁義禮智信化生萬物是萬事又云無極之真二五之精妙合而凝此數句甚妙是氣與理合而成性也○南軒張氏曰非無極之真爲一物與二五之精相合也言無極之真未嘗不存其中也○愚按氣化形化本程子說當考惟人也得其秀而最靈形既生矣神知發矣五性感動而善惡分萬事出矣



人物之生莫不有太極之道焉然陰陽五行氣質交  
 雜運而人之所稟獨得其秀故其心為最靈而有以不  
 失其性之全所謂天地之心而人之極也然形生於  
 陰神發於陽五常之性感物而動而五性之殊分為  
 萬事矣○問五行之生各一其性五性感動而善惡  
 分此性字是其氣稟言之否曰性離氣稟不得有氣  
 稟性方存在裏面無氣則性亦無所寄矣  
 聖人定之以中正仁義○人動則其性亦動靜則其  
 聖人之道行義中正而已矣  
 而主靜

無欲故靜  
 立人極焉  
 此言聖人全動靜之德而常本於靜也蓋人稟陰陽  
 五行之秀氣以生而聖人之生又得其秀之秀者是  
 以其行之也中其處之也正其發之也仁其裁之也  
 義蓋一動一靜莫不有以全夫太極之道而無所虧  
 焉則向之欲動情勝利害相攻者於此乎定矣然靜  
 者誠之復而性之貞也苟非此心寂然無欲而靜則  
 亦何以酌酢事物之變而一天下之動哉故聖人中  
 正仁義動靜周流而其動也必主乎靜此其所以成

位乎中而天地日月四時鬼神有所不能違也蓋必體立而後用有以行故程子論乾坤動靜而曰不專一則不能直遂不翕聚則不能發散亦此意爾○問何故不言禮智而言中正曰中正字尤切又曰中正二字較有力○中者禮之極正者智之極伊川解貞字謂正而固也一正字未盡必兼固字所謂智之實知斯二者弗去是也知是端的真知恁地便是正弗去便是固所以正字較親切○知是非之正為智故通書以正為智○主靜者主正與義也正義便是利貞中是亨仁是元○問聖人定之以中正仁義曰本

無先後此四字配金木水火而言中有禮底道理正有智底道理如乾之元亨利貞元即仁亨即中利即義貞即正皆是此理至於主靜是以正與義為體中與仁為用聖人只是主靜自有動底道理○中正仁義四者常在這裏流轉然常靠着箇靜做本若無夜則做得晝不分曉若無秋冬則做得春夏不長茂如人終日應接須少休歇便精神較健如生物而無冬只管一向生去元氣也有竭時中仁是動正義是靜通書都是恁地說如云禮先而樂後○且如四時有秋冬收斂則春夏方能生長若只管生長將去却有

言言  
甚了期便有許多元氣故復見天地之心這便是靜  
後見得動恁地好○主靜看夜氣一章可見○問無  
欲故靜曰欲動情勝則不能靜○聖人定之以中正  
仁義而主靜正是要人靜定其心自作主宰程子又  
恐只管靜去遂與事物不交涉却說个敬云敬則自  
虛靜須是如此做工夫○愚按自五性感動而善惡  
分萬事出人心之太極始不能自保矣於是聖人定  
之以中正仁義而主靜所以立人之太極此中庸  
所謂修道之教也中正者太極之全仁義者太極之  
分程子嘗謂中者天下之大本天地間亭亭當當直

上直下之正理此蓋以形性之本體故愚敢以中正  
爲太極之全也聖人之道其體配太極其用配陰陽  
以此立道垂教而使天下之人一惟中正仁義是趨  
而向之擾擾不齊者於是乎定矣本文言中正仁義  
者太極陰陽也本註言仁義中正者陰陽太極也體  
用互舉其旨明矣然仁義性也謂之用可乎蓋自性  
情言之則仁義其體而四端其用也自太極言之則  
仁義爲五行之性而屬乎用矣  
君子修之吉小人悖之凶  
聖人太極之全體一動一靜無適而非中正仁義之



極蓋不假修爲而自然也未至此而修之君子之所  
以吉也不知此而悖之小人之所以凶也修之悖之  
亦在乎敬肆之間而已矣敬則欲寡而理明寡之又  
寡以至於無則靜虛動直而聖可學矣

故曰立天之道曰陰與陽立地之道曰柔與剛立人之  
道曰仁與義又曰原始反終故知死生之說

陰陽成象天道之所以立也剛柔成質地道之所以  
立也仁義成德人道之所以立也道一而已隨事著  
見故有三才之別而於其中又各有體用之分焉其  
實則一太極也陽也剛也仁也物之始也陰也柔也

義也物之終也能原其始而知所以生則反其終而  
知所以死矣此天地之間綱紀造化流行古今不言  
之妙聖人作易其大意蓋不出此故引之以證其說  
大哉易也斯其至矣

易之爲書廣大悉備然語其至極則此圖盡之其旨  
豈不深哉抑嘗聞之程子昆弟之學於周子也周子  
大乎是圖以授之程子之言性與天道多出於此然卒  
未嘗明以此圖示人是則必有微意焉學者亦不可  
不知也

通書曰誠者聖人之本

朱子曰誠者至實而無妄之謂天所賦物所受之正理也人皆有之而聖人之所以聖者無他焉以其獨能全此而已此書與太極圖相表裏誠即所謂太極也極大哉乾元萬物資始誠之源也乾道變化各正性命誠斯立焉純粹至善者也故曰一陰一陽之謂道繼之者善也成之者性也元亨誠之通利貞誠之復大哉易也性命之源乎

言乾道之元萬物所取以爲始者乃實理流出以賦於人之本如水之有源即圖之陽動也乾道變化而萬物各得受其所賦之正則實理於是而各爲一物

之主矣即圖之陰靜也純不雜也粹無疵也言天之所賦物之所受皆天理之本然無不善之雜也陰陽氣也形而下者也所以一陰一陽者理也形而上者也道即理之謂也繼之者氣之方出而未有所成之謂也善則理之方行而未有所立之名也陽之屬也誠之源也成則物之已成性則理之已立者也陰之屬也誠之立也元始亨通利遂貞正乾之四德也通者方出而賦於物善之繼也復者各得而藏於己性之成也此於圖已爲五行之性矣

又曰二氣五行化生萬物五殊二實二本則一是萬爲

一一實萬分萬一各正小大有定  
朱子曰二氣五行天之所以賦授萬物而生之者也  
自其未以緣本則五行之異本二氣之實二氣之實  
又本一理之極是合萬物而言之爲一太極而已也  
自其本而之末則一理之實而萬物分之以爲體故  
萬物之中各有一太極而小大之物莫不各有一定  
之分也○問如此說則是太極有分裂乎曰本只是  
一太極而萬物各有稟受又自各全其一太極爾如  
月在天只一而已及散在江湖則隨處而見不可謂  
月分也又云所謂分以爲牀不是割成片去只如月

映萬川相似

程子曰性即理也

全文見孟子道性善註○朱子曰伊川此語自孔孟  
後無人見得到此便是千萬世說性之根基真有功  
於聖門○昔人言性惡善惡混都是不曾識性性只  
是天理天理又那得有惡○理是天地間公共之理  
人稟得便爲我所有○性是天成說多道理  
張子曰乾稱父坤稱母予茲藐焉乃混然中處  
朱子曰天陽也以至健而位乎上父道也地陰也以  
至順而位乎下母道也人稟氣於天賦質於地以藐

然之身混合無間而位乎中子道也然不曰天地而曰乾坤者天地其形體也乾坤其性情也乾者健而無息之謂萬物之所資以始者也坤者順而有常之謂萬物之所資以生者也是乃天地之所以為天地而父母乎萬物者故啓而言之

故天地之塞吾其體天地之帥吾其性

乾陽坤陰此天地之氣塞乎兩間而人物所資以為體者也故曰天地之塞吾其體乾健坤順此天地之志為氣之帥而人物所得以為性者也故曰天地之帥吾其性深察乎此則父乾母坤混然中處之實可

見矣○問西銘之義曰緊要血脉盡在其體其性句

民吾同胞物吾與也

人物並生於天地之間其所質以為體者皆天地之塞其所得以為性者皆天地之帥也然體有偏正之殊故其於性也不無明暗之異惟人也得其形氣之正是以其心最靈而有以通乎性命之全體於並生之中又為同類而最貴焉故曰同胞則其視之也皆如己之兄弟矣物則得夫形氣之偏而不能通乎性命之全故與我不同類而不若人之貴然原其體性之所自是亦本之天地而未嘗不同也故曰吾與則

其視之也亦如己之儕輩矣惟同胞也故以天下爲  
一人如下文之云惟吾與也故凡有形於天地之間  
者若動若植有情無情莫不有以若其性遂其宜焉  
此儒者之道所以必至於參天地贊化育然後爲功  
用之全而非有所強於外也○西銘全文見傳道篇  
今摘其首章論體性之所自出者載於此昔游先生  
見西銘卽渙然不逆於心曰此中庸之理也明道先  
生稱其能求之語言之外近世學者或未諭其旨愚  
又謂中庸綱領在性道教三言而終篇之義無非教人  
以全天命之性西銘綱領亦止在其體其性之二言

而終篇反復推明亦欲人不失乾父坤母之所賦予  
者爲天地克肖之子而已故游先生以爲卽中庸之  
理也豈不信哉


又曰性者萬物之一源

朱子曰所謂性者人物之所同得非惟已有是人亦  
有是非惟人有是物亦有是

右專言天命之性



西山先生真文忠公讀書記卷之一終



此儒者亦與前天必至也  
 非是於前亦前新也  
 未始與前論論也  
 又曰與前論論也  
 默與前論論也  
 此儒者亦與前天必至也  
 非是於前亦前新也  
 未始與前論論也  
 又曰與前論論也  
 默與前論論也

文政重厚

